



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3093

. 271

4-21

Lu-p

180

57

2001

271
4-21

2010

271
4-21

Զ Ե Կ Ո Ւ Ց Ո Ւ Մ Ն

Բարեյիւսակ Նախորդն Մեր Պօղոս Պետրոս ԺԱ. էմմանուէլեան ի քննին առեալ զԿանոնադրութիւն Զմմառեան Միաբանութեան գյօրինեալն յամի 1890 ի Պատրիարքական Սրբաճոհոսի գումարելոյ ի Քաղկեդոն, զնոյն վերսին փոփոխութեամբք ինչ եւ յաւելուածովք մասոյց Ս. Ժողովոյն Տարածման Հաւասոյ ի 20 Սեպտեմբերի 1901 ամի առ ի ընդունել զհաւանութիւն Նորին :

Եւ զի հանոյ բուեցաւ Նմին Ս. Ժողովոյ զի քննութիւն զայնմանէ լինիցի ի Սրբաճոհոսի, որ մերձ ընդ մերձ գումարելոց էր, եւ եւս զի որ ինչ խորհրդածութիւնք ի նմին լինիցին՝ առաջարկեսցին ինքեան. ամին իրի ի ժողովն որ գումարեցաւ յամսեանն Գեկտեմբերի 1901 ամի քննեցաւ այն, եւ նորովք խորհրդածութեամբք, եւ յաւելեալ որ միանգամ ի պարզութիւն մթին ինչ բանից ի դէպ թուէր, Սրբաճոհոսական Թղթով առաջի արկաւ նմին Ս. Ժողովոյ, քախանձագինս խնդրելով վերսին զՆորա հաւանութիւն. յորմէնէսէ անցին արդ ամք իբրեւ երկու :

Յես ընտրութեան Մերոյ յԱթոռ Կարողիկոսութեան իղձ իմն եղեւ բազմաց ի Սրբաճոհոսական Հարց, զի Կանոնադրութիւնս այսոքիկ այժմէն իսկ սկիզբն կայցին ի գործ մասչիլ առ ի փորձ. այլ առանց ինչ հակառակելոյ կամ արգելս դնելոյ որոշողութեանցն եւ փոփոխութեանց զորս նոյն Ս. Ժողովն, իւրովն իմաստուն մտածութեամբ եւ յառաջատես խոհականութեամբ ի դէպ դատեսցի առնել :

Յայս սակս ի յայտարարութիւն հաւանութեան Մերոյ եւ ի խրատոյս սիրեցեալ որդւոց Չմմառեան Միաբանութեանս, զորոյ զընդհանուր Մեծաւորութիւնն յանձին ունիմք ըստ օրինակի բարեյիշատակ Նախորդաց Մերոց, հաւանութեամբ նոցին Հարց ի դէպ բուեցաւ սպագրել օրինակս ինչ Կանոնադրութեանս առ ի խորհրդածութիւն եւ առ ի գործ դնել առ ժամանակ մի ի փորձ եւ ի հրահանգութիւն, մինչեւ հասցէ հաւանութիւն Նորին Ս. Ժողովոյ:

Չայտոսիկ այսպէս կարգել ի դէպ բուեցաւ Մեզ յօգուտ եւ ի բարգաւաճանս սիրեցեալ որդւոց Չմմառեան Կաթողիկոսական Միաբանութեանս, որոց մէն միոյ սամբ զեղմամբ արտի զՀայրապետական օրհնութիւն Մեր:

Տուաւ ի Կաթողիկոսարանի Մերում ի Բերա Կ.Պօլտոյ.

Օգոստոսի 1904

յառաջին ամի Հայրապետութեանս



40090-67

ԿԱՆՈՆԱԴՐՈՒԹԻՒՆ ՉՄՄԱՌԵԱՆ ԿԱԹՈՂԻԿՈՍԱԿԱՆ ՄԻԱԲԱՆՈՒԹԵԱՆ

Առաջին

ՆՊՍՏԱԿ ՄԻԱԲԱՆՈՒԹԵԱՆ ԵՒ ԿԱԽՈՒՄՆ


Ա. Վախճան Միաբանութեանս է փրկութեամբ հողւոյ ընկերին հողալ զփրկութիւն իւր, այս է վարել զառաքելական պաշտօն ի վիճակի Պատրիարքութեան Կիլիկիոյ. և առանձինն պարտք են նորա քարոզել և ծաւալել զԿաթողիկեայ Ս. Հաւատս յազգին Հայոց ըստ վարդապետութեան Հռովմէական Ս. Եկեղեցւոյ. և յեղյեղել ի միտս նոցա զկատարեալ հնազանդութիւնս առ Ս. Գրահն Հռովմայ:

Բ. Ուստի պարտին Միաբանք նախ քան զամենայն մատուցանել զկատարեալ հնազանդութիւն և զյարդութիւն Սրբոյ Գահուն, յարդել և կատարել զհրամանս նորա և յամենայնի հլու և հպատակ կալ նմա:

Գ. Միաբանութիւնս այս սեպհական է Կաթողիկոսական Աթոռոյն և Գերերջանիկ Կաթողիկոսին Կիլիկիոյ՝ իբր Նուիրապետի այնր Պատրիարքութեան և զի են Միաբանութեան երզումն և կանոնք, սմին իրի կոչի Միաբանութիւն Կաթողիկոսական և Միաբանք Կաթողիկոսականք, կամ անուամբ տեղւոյ ծագման իւրոյ՝ եւս և պարզապէս Չմմառեան Միաբանութիւն կամ Միաբանք:

Դ. Միաբանութիւնս այս, որ անդստին յիրմէ սկզբնաւորութենէ զծառայութիւնս մեծամեծս մատուցեալ է յօգուտ Եկեղեցւոյ և ի ծաւալումն վրօնի, օգտակար և հարկաւոր իսկ է՝ մանաւանդ վասն բազմաթիւ Կռաքելութեանց ի Պատրիարքութեանս:

Ե. Անդստին ի ծագմանէ իւրմէ՝ Գերերջ. Կաթողիկոսն Կիլիկիոյ կացեալ է անմիջական Մեծաւոր և Գլուխ այսր Միաբանութեան՝ առ որ ուխտէն զհնազանդութիւն ըստ ձեռոյն որ հաւանեալ է ի Ս. Աթոռոյն յամին 1843. և որ յամին 1885. ընկալաւ ի նոյն Աթոռոյ



ինչ ինչ փոփոխութիւնս : Ուխտեցեն Միաբանք այսուհետեւ ևս ըստ յիշեալ ձեւոյն որ է այս Ես . (Ա . Ա .) առաջի Աստուծոյ և Գերերջանիկ Պատրիարքի : մերոյ Տեառն (Ա . Ա .) յամբարհալ իմում յօժարութեամբ և ազատութեամբ ի Ս . Աստիճանս , դիտեմ առնել և առնեմ զուխաս որք կից են ընդ նոցին Սուրբ Աստիճանաց : այս է , պահելոյ զողջախահութիւն և զհնազանդութիւն առ նոյն Գերերջանիկ Պատրիարքն (Ա . Ա .) և առ յաջորդս նորա մինչեւ ցմահ :

Գարձեալ խոստանամ ոչ վասնել կամ ծախել յաշխարհի իրս և յաւելորդս , զինչսն որք հասանիցեն ինձ ի գործածութենէ քահանայական պաշտաման՝ կամ ի ծառայութենէ զոր մատուցից եկեղեցւոյ . այլ վարիլ նոքօք ի պէտս իմ որպէս վայել է ճշմարիտ եկեղեցականի , բաշխելով ևս անտի աղքատաց ի կարօտութեան նոցա ըստ պատշաճի և ըստ վիճակի իմոյ , և զմնացորդսն դարձուցանել ի Պատրիարքական դպրոցն Զմմաուու , առ ի պահպանութիւն այսր հաստատութեան , և ի դարձ փոխարինի վասն աննդեան և վարժից զոր ձրի ընկալայ ի նմա : և այս ըստ ոգւոյ վաղեմի բարեկարգութեան Եկեղեցւոյ :

Ի վախճանի խոստանամ զի յորժամ Գերերջ . Պատրիարքն հրամայեցէ ինձ երթալ յառաքելութեան կամ ի քարոզել զՍուրբ հաւատս , երթայց փութով ուր և կամիցի , և ցորչափ մնացից ի սահմանեալ ինձ տեղու՛յ , հպատակ կացից իրաւաբանութեան թեմական կարգաւորին . և յորժամ Գերերջ . Պատրիարքն հրամայեցէ ինձ դարձ առնել ի վանս կամ երթալ այլուր , վաղվաղակի կատարեցից զհրամանս նորա :

Այսպէս օգնեցէ ինձ Աստուած և այս Սուրբ Աւետարանս Աստուծոյ , ամէն :

Զ . Ըստ այսմ նա ինքն Գերերջ . կաթողիկոսն է անմիջական Գլուխ և Մեծաւոր այսր Միաբանութեան և նմա է հոգ տանիլ ամենայն Միաբանից ուր և գտանիցին :

Է . Նոյն Միաբանք մեծ և փոքր ըստ երդման իւրեանց պարտին հնազանդ և հպատակ գտանիլ Գերերջ . կաթողիկոսին , իբրև Մեծաւորի Միաբանութեան , յարզել և պատուել զինքն ներքին և

արտաքին մեծարանօք , և երբ հրամայէ երթալ յառաքելութիւն , պարտին կատարել անթերի զհրամանս նորա :

Ը . Զօրութեամբ նոյն ուխտի կամ երդման՝ պարտին Միաբանք չվասնել և ոչ յաշխարհային յաւելորդ իրս ի կիր արկանել զինչս ստացեալս ի Բահանայական պաշտամանէ . այլ միայն վարիլ նոքօք ի պէտս իւրեանց , որպէս վայել է ճշմարիտ եկեղեցականի . իսկ զմնացեալն դարձուցանել ի կեդրոն Միաբանութեան ի Զմմաու . ի պահպանութիւն այնր հաստատութեան , որով և կարէ պահիլ և յպահովի կալ յաջորդութիւն Միաբանից :

Թ . Վասն ուխտի դարձուցանելոյ յետս զյաւելուած ընչից ստացեալ յեկեղեցական պաշտամանէ , պարտք ի վերայ դնի խղճի իւրաքանչիւր Միաբանի , զի ի կենդանութեան յասպանովի կացուցեն զայն . զի մի մնացէ զկնի մահու դժուարութիւն ինչ ոչ ի ժառանգաց և ոչ այլ ուստեք ի ծանրաբեռնութիւն խղճի հանգուցելոյն . վասն որոյ կարեն առաքել զայն հետզհետէ ի վանս՝ գնել կամ շինել կալուածս նովաւ , զորոյ զմուսան վայելեցեն ի կենդանութեան առաքողք գումարոցդ մինչեւ ցմահ իւրեանց :

Այլ զոր ինչ ի ժառանգութենէ և յայլոց պաշտամանց ընկալեալ իցէ դրամ կարող է ի գործ ածել որպէս և պատշաճ թուեսցի նմա :

Ժ . Փոյթ կալցին Արհի . Եպիսկոպոսուհք զի ինչք Միաբանից վախճանելոց ի թեմս իւրեանց հասանիցեն ի վանս ըստ վերոյիշեալ բացատրութեան :

ԺԱ . Աւելորդ դրամքդ՝ որք ի Միաբանից հասցեն ի վանս , յաակացին յանշարժ կալուածս :

Երկրորդ

ՈՅՔ ՀԱՄԱՐԻՆ ՄԻԱԲԱՆՔ ԵՒ ԽՆԱՄԱՐԿՈՒԹԻՒՆ ՆՈՅԱ

Ա . Նոքա միայն են և կարեն լինել կամ համարիլ Միաբան , որք աւարտեալ ի վանս զուսումն իւրեանց , յետ քննութեան ժողո՞վոյ վանաց . և ըստ Տեղեկագրոյ բարիօք վկայութեան Տեղական Մեծաւորին՝ ձեռնադրին հրամանաւ Գերերջ . կաթողիկոսին : կամ որք յետ դնելոյ ի նոյն վանս զուխան տուեալ ի Ս . Աթոռոյ առաջ

քին ի Հոռոմ ի վարժարանն Լեւոնեան, կամ յայլ հռչակաւոր ընծայարանս Եւրոպայ:

Բ. Միաբան Եպիսկոպոսունք ի կամենն՝ կարեն մնալ ի Միաբանութեան, և յայնժամ իցէ նոցա և ձայն ներդորձական յառաջարկութեան ցուցակի Տեղական Մեծաւորի, և տալ պարտին Վանաց վասն ընկալեալ ձրի վարժիցն և դաստիարակութեան՝ նաեւ մասն ինչ ի յաւելուածոյ ընչիցն ստացելոց ի Քահանայական պաշտամանէ: Իսկ եթէ անթեմ իցէ Միաբան Եպիսկոպոսն, ունիցի ձայն ներդորձական և կրտորական, և տալ պարտին Վանաց վասն ընկալեալ ձրի կրթութեան, որպէս զայլ ամենայն Միաբան քահանայս, զյաւելուածս ընչից ստացելոց յեկեղեցական պաշտամանէ:

Գ. Եւ եթէ ի թեմական կղերէ ոք խնդրեսցէ Միաբան լինել, ըստ յանձնարարութեան Գերերջանիկ Կաթողիկոսին ժողովն Վանաց յետ քննելոյ զհանգամանս անձին նորա և զպատճառսն, որոց վասն խնդրէ լինել Միաբան, ձեռամբ Գահիրեցուն յայտնէ Գերերջանիկ Կաթողիկոսին տեղեկագրով զամենայն եւս և զմտածութիւնս իւր ի մասինդ, և նա եթէ յարմար դատեսցի՝ հրաման տայ, և ընկալեալ լինի աղերսարկուն ի կարգս Միաբանից:

Կ. Յիւրաքանչիւր նուազի յորում ձեռնադրի ոք ի Միաբանութեան կամ ընկալեալ լինի ի նոյն, Գերերջանիկ Կաթողիկոսն ծանուցանէ զայն շրջաբերականաւ համօրէն Միաբանից:

Յ. Միաբանք ձեռնադրին յանուն և ի վերայ Վանաց, որ է նոցա տիտղոս, վասն որոյ օպահովեալ է պարէն նոցա ի լինելն ծեր և անկար, որպէս և յորժամ հիւանդ իցեն՝ խնամատարութիւն, և այդ թէ ի Վանս անդ կամ արտաքոյ, որպէս պատշաճ դատեսցի Գերերջանիկ Կաթողիկոսն, ծանուցեալ զիրն ժողովոյ Վանաց:

Զ. Զէ օրէն թեմական Եպիսկոպոսոց ձեռնադրել զոք յանուն Միաբանութեան:

Է. Պարէն և զգետեղէնք Միաբանից՝ որ ի Վանս հոգացեալ լինին ի Վանաց ըստ պատշաճի և սովորութեան, և փոյթ կալցին պահել զմիակերպութիւն:

Ը. Առանձին խնամք ասրցին ծեր և տկար Միաբանից որք առանձնանան ի Վանս ըստ պատշաճի և ըստ սովորութեան:

Երրորդ

ԿԵԳՐՈՆ ՄԻԱԲԱՆՈՒԹԵԱՆ ԵՒ ՎԱՐՉՈՒԹԵԱՆ

Ա. Կեդրոն Միաբանութեան է Վանքն փոխման յերկինս Ս. Կ. Աստուածածնի ի Զմեառ Լիրանանու, ուր է և ընծայարանն, և Գերերջանիկ Կաթողիկոսն հոգ տանի բարգաւաճելոյ այնր գամքան զգամ, և յառաջադէմ զարգանալոյ ընծայարանին յամենայն զխառնութիւնս հաւասար բարձրագոյն ընծայարանաց, ի մասնաւորի կանոն նուիրական ուսմանց լիցի համեմատ ընթացից ընծայարանաց Հռովմայ:

Բ. Ի Կառավարութիւն Վանաց Գերերջանիկ Կաթողիկոսն կարգէ զմի ոք ի Միաբանից անախ, որ անուանի Տեղական Մեծաւոր, որոյ ընարութիւնն լինի ըստ կերպի որ զհետ գայ: Ամենայն Միաբանք ըստ հրաւիրանաց Գերերջանիկ Կաթողիկոսին առաջարկեն մէն մի երիս անձինս, և Կաթողիկոսն զմին յերկոց որոց զառաւելագոյն ձայն ստացեալ իցեն՝ կարգէ Տեղական Մեծաւոր զաղտնի քուէարկութեամբ ժողովոյ Առաջաւորաց Միաբանից, յորում ինքնին կամ ի ձեռն փոխանորդի բազմի Գահերկց:

Փոխանորդն զոր ի դիմաց իւրոյ կարգէ Ամեն Կաթողիկոսն ի նախագահել ժողովոյ Առաջաւորաց լիցի մին ի Միաբան Եպիսկոպոսաց անախ:

Գ. Յեօթն ամս միանգամ լիցի ընդհանուր ժողով յԱռաջաւորաց Միաբանից ի Վանս Զմեառու հրամանաւ Գերերջանիկ Կաթողիկոսին, և ընդ նորին Գահերիցութեամբ կամ փոխանորդի առ այն կարգելոյ, յընարութիւն նորոյ Տեղական Մեծաւորի, ի լուծումն դժուարութեանց և այլոց կարեւոր իրաց, որք ընդ առաջ ելանիցեն ի շրջանի եօթնամեայ ժամանակի, և յորոշումն խնդրոյ առաջարկելոյ յօգուտ Վանաց և Միաբանութեան առ հասարակ:

Կ. Պաշտօն տեղական Մեծաւորին է, հսկել բարեկարգութեան Վանաց, և պահպանութեան Միաբանական կանոնաց, հոգ ունել ընչից և ստացուածոց Վանաց, փոյթ տանիլ յառաջադիմութեան և պայծառութեան ընծայարանին, և Գահերէց լինել Վանական ժողո՞

- վոյ : Տեւէ պաշտօն նորա զամս եօթն , և կարէ ընտրիլ վերստին :
- Ե . Նոյն ժողովն Առաջաւորաց ընդ նոր Մեծաւորին ընտրեսցեն զներքին պաշտօնեայսն , այս է զՀոգեւոր Հայրն Վանաց , զՎերատեսուչ ընծայարանին , զՏեսուչ կալուածոց Վանաց և զՄատակարարն ներքին զորս հաստատեսցէ Ամենապատիւ Կաթողիկոսն կոնդակաւ : Պաշտօնատեսարքս այսոքիկ ի պաշտաման իւրեանց կախեալ են զՏեղական Մեծաւորէն : Եթէ հարկ լիցի զայս փոխան ի մէջ մատուցանելոյ կամ փոխութեան իրիք , Մեծաւորն առաջարկեսցէ Ամենապատիւ Կաթողիկոսին և որոշեսցի և կարգեսցի նոր պաշտօնեայն :
- Զ . Գացի ժողով մնայուն ի Վանս ընդ Գաներիցութեամբ Տեղական Մեծաւորին , և որոյ անդամք իցեն գլխաւոր պաշտօնատեսարք ի Վանս , այսինքն , Հոգեւոր Հայրն , Տեսուչն կալուածոց Վանաց , Վերատեսուչ ընծայարանին և ներքին Մատակարարն :
- Է . Մեծաւորն Տեղական խորհրդակցելով ի կարեւորան ընդ մնայուն ժողովոյ՝ կառավարէ զՎանս և զընծայարանն , իսկ ի ծանունս գրէ առ Գերերջանիկ Կաթողիկոսն և ընդունի զհաւանութիւն նորին :
- Ը . Տեղական Մեծաւորին պարտք են հոգ տանիլ , զի անխափան կատարեսցին մշտնջենաւոր պատարագք Վանաց , և ամի ամի արձանագրեսցէ ի տուամարի պատարագաց զվաւերական վկայագիր անթերի վճարման նոցին :
- Թ . Ներքին կանոնադրութիւն Վանաց և կանոնք պատկանեալք պաշտօնատարաց և պաշտօնէից , որպէս և ուխտեալ աշխատաւոր Եղբարց , պարտին ունել զհաստատութիւն Գերերջանիկ Կաթողիկոսին , նոյնպէս և կարգաւորութիւն ընթացից զոր պարտին ունել և պահել Միաբանք յԱռաքելութիւնս :
- Ժ . Հոգ տարցի զարգացման ուսմանց և լեզուաց , և եթէ յայս սակս տեսցի հարկ ինչ , կարող լիցի Տեղական Մեծաւորն ածել դասատուս , նաեւ յորոց չիցեն ի Միաբանից , յարանց վկայելոց ի բարեպարիշտ վարս և ի գիտութեան :

Չորրորդ

ՍՏԱՅՈՒԱԾՔ ՎԱՆՍ ԵՒ ՄԱՍԱԿԱՐԱՐՈՒԹԻՒՆ ՆՈՅՆ

- Ա . Յատկացեալ են Վանաց և ընծայարանին և մնան յատկացեալ այն ամենայն ստացուածք , որք արդէն քննութեամբ Գերերջանիկ Կաթողիկոսին սեպհակոսեալ են Միաբանութեան և արձանագրեալ են ի Մատենի ստացուածոց և կալուածոց նորին : Եւ այսպիսիք են որք զաանին ի Լիրանան , ի Վերիտոն , յԵգիպտոս , ի Բերիա , յԱտանա , յԵւդոկիա և ի Կ . Պօլիս : Նոյնպէս պատկանեսցի Վանաց և ընծայարանին՝ և որ այսուհետեւ ստացեալ լիցի յանուն նորին :
- Բ . Տեղական Մեծաւորն խորհրդակցութեամբ ընդ ժողովոյ Վանաց կարգէ զգործակալս ի Վերիտոն , յԵւդոկիա , յԵգիպտոս , ի Բերիա , յԱտանա և ի Կ . Պօլիս . և ծանուցէ զայն Գերերջանիկ Կաթողիկոսին առ ի ընդունելութիւն հաւանութեան նորին : Եւ պարտք են գործակալացս յօրինել ամի ամի զհաշուագիր ստացուածոց գանկոց ի յիշատակեալ տեղիս , և առաքել զայնս առ Տեղական Մեծաւորն . որ ներկայացուցանէ զայն Վանական ժողովոյն , և ասոյ արձանագրել յիւրաքանչիւր մատեանս :
- Գ . Նոյն ժողովն Վանաց քննէ զտարեկան հաշիւս Վանաց զներքին և զարտաքին մատակարարութեանց և զգործակալաց , և յետ հաւանութեան ստորագրեն զայն Տեսուչն կալուածոց և Մատակարարն ներքին , և վաւերացուցանէ զայն Տեղական Մեծաւորն և Քարտուղար ժողովոյն , և նոյն Մեծաւորն առաքէ առ Գերերջանիկ Կաթողիկոսն զվաւերական հաշուեկշիւն միանգամ ի տարւոջ :

Հինգերորդ

ՊԱՐՏՔ ՄԻԱԲԱՆՆՅ ՈՐՔ Ի ՎԱՆՍ

Ա . Միաբան Քահանայք զկնի ձեռնադրութեան իւրեանց մնասցեն ի Վանս զամս երիս անխափան :

Բ. Որք ի վանս քնակին Միաբանք, պարտին համաձայնիլ կանոնի վանաց, լինել ընդ կառավարութեամբ Տեղական Մեծաւորին, զհասարակաց և զվանական վարել կեանս, չմեծանել նորութիւնս, չպահանջել սեպհականութիւնս յընչից և ի ստացուածոց վանաց, և եթէ հարկ ինչ լինիցի, խորհրդով և արամադրութեամբ Տեղական Մեծաւորին աւարտեսցի իրն: Եւ ի մասնաւորի զգոյշ կացցեն չխանգարել զբարեկարգութիւն և զկանոնս որովք վարի ընծայարանն:

Գ. Զնոյն պարտս ունին որ և իցէ Միաբանք և յորմէ և իցէ աստիճանէ, որք գնան ի վանս, որք և պարտին ըստ ամենայնի հնազանդ գտանիլ Տեղական Մեծաւորին և կանոնաց վանաց:

Կ. Ամենայն Միաբան Գահանայք որ ի վանս պատարագեսցեն ըստ դիտաւորութեան վանաց, որպէս է ի սովորութեան մինչեւ ցայսօր, բաց ի հարկեր պատարագաց զոր մատուցեն սյուսհետեւ ամ ըստ ամէ ըստ դիտաւորութեան իւրեանց:

Ն. Մատուցին յիւրաքանչիւր ամի պատարագս չորս և զերկուս պաշտօնս ննջեցելոց՝ վասն կենդանի և ննջեցեալ Միաբանից, վասն կենդանի և ննջեցեալ բարերարաց վանաց:

Զ. Եւ եւս մատուցեն զմի պատարագ վասն հոգւոյ ննջեցեալ Միքայէլի Յովհաննէսեան Բերութեանց, գլխաւոր բարերարի ընծայարանին ի Տօնի Հրեշտակագետաց: Զնոյն պարտս ունին և որ արտաքոյ վանաց գտանին Միաբանք:

Է. Միաբանք որք ի վանս և արտաքոյ, ըստ ազգարարութեան Գերերջանիկ Կաթողիկոսին մատուցեն վասն ննջեցեալ Միաբանից՝ Եպիսկոպոսաց, Գահանայից և ուստեալ աշխատաւոր եղբարց երիս պատարագս և զմի պաշտօն հանգստեան:

Վեցերորդ

**ՊԱՅՄԱՆՔ ՄԻԱԲԱՆԻՑ ՈՐՔ ԳՏԱՆԻՆ Ի ԹԵՄՍ
ԿԱՄ ՅԱՌԱՔԵԼՈՒԹԻՒՆՍ**

Ա. Յորժամ Միաբանք զառաջինն առաքին ըստ հրամանի Գերերջանիկ Կաթողիկոսին ի վանաց յառաքելութիւն, վանաց է հո.

զալ զծախս ճանապարհի մինչեւ ի նշանակեալ տեղին, իսկ ի փոք փոխին թեմէ ի թեմ՝ խնդրողին կամ առաքողին պարտք են վճարել զծախս ճանապարհին:

Բ. Միաբան Գահանայք որչափ ժամանակս գտանիցին հրամանաւ Գերերջանիկ Կաթողիկոսին ի թեմս Եպիսկոպոսաց, պարտին հնազանդ լինել կարգաւոր իշխանութեան Թեմակալին. իսկ յորժամ Գերերջանիկ Կաթողիկոսն յետս կոչեսցէ զնոսա կամ հրամայեսցէ երթալ այլոր, պարտին անյոպաղ կատարել զհրամանս նորա, ազգ առնելով Եպիսկոպոսին նախապէս:

Գ. Տեղափոխութիւն Միաբանից թեմէ ի թեմ լինի միայն հրամանաւ Գերերջանիկ Կաթողիկոսին, այնպէս զի մի ոք ի Միաբանից կարող լիցի ելանել ի տեղւոյնն ուր գտանի, և ոչ վիճակաւորք առաքեսցեն զնա արտաքոյ թեմին, առանց նախընթաց գրուոր հաճութեան Գերերջանիկ Կաթողիկոսին:

Կ. Միաբանք ի թեմս Եպիսկոպոսաց յԱռաջնորդարանս քնակին, և ոչ ի տունս աշխարհականաց:

Ն. Յորժամ յԱռաքելութիւնս գտանիցին Միաբանք, յԱռաքելութենէ անտի ունիցին զպարէն կենաց իւրեանց ըստ պատշաճի և ըստ սովորութեան տեղեաց:

Զ. Ուր և գտանիցին Միաբանք պարտին միանգամ ի տարւոյ զրել թուղթ առ Գերերջանիկ Կաթողիկոսն, և յայտնել զհանգամանս վիճակի իւրեանց, նոյնպէս և առ Տեղական Մեծաւորն:

Եօթներորդ

ԶՈՐՍ ՊԱՐՏԻՆ ՊԱՀԵԼ ՄԻԱԲԱՆՔ ԵՒ ՅՈՐՈՑ ԽՈՐՇԵԼ

Ա. Միաբանք պարտին փայլիլ համեստութեամբ և ամենայն բարեմասնութեամբ, որինտկ բարի լինել և աչոց ժառանգաւորաց, վարի ընդ նոսա եղբայրսրութեամբ, և առանձինն իմն որինտկաւ պարտաւոր զանձինս ճանաչել այնմ ամենայնի, զոր կանոնք եկեղեցականք աւանդեն վասն համեստութեան ժառանգաւորաց. վասն որոյ որք ոչ մատուցանեն հնազանդութիւն Գերերջ. Կաթողիկոսին, կամ որք ա.

նախքին զնա և բաժնատանն, կամ որք յայլ գործս յանցապարտ գտաս նին, ըստ օրինին պատժին ի Գերերջ. Կաթողիկոսէն:

Բ. Եթէ (զոր Տէր մի արասցէ) զտցի ոք ի Միաբանից զեղծ վարուք կամ անհամբոյր բարուք, կամ որ վարչապետութիւնս թիւրս քարոզեացէ, Գերերջ. Կաթողիկոսն վարի ընդ այնպիսւոյն ըստ եկեղեցական կանոնաց և արտաքսէ իսկ ի Միաբանութենէ:

Ութերորդ

Ա.ՌԱ.ԲՈՒՄՆ ԿԱՄ ԸՆԴՈՒՆԵԼՈՒԹԻՒՆ ԱՇԱԿԵՐՏԱՑ

Ա. Առաքումն աշակերտաց լինի նախընթաց գիտութեամբ Տեղական Մեծաւորին և հրամանաւ Գերերջ. Կաթողիկոսին. և ժողովին յամենայն սահմանաց Պատրիարքութեան Կիլիկիոյ, յերիս ամս միանգամ:

Բ. Առաքին ի Վանս այն պատանիք միայն, որք իցեն բարի, ընտիր, հեզ, բարեհամբոյր և յարմար կրթութեան և ուսման, և յառաջ քան զառաքումն իւրեանց պատրաստեցին զամսերկուս յիւրօքանչիւր տեղիս և առաքողք վկայութիւն դիցեն՝ թէ ճշդիւ կատարեալ իցէ այս պայման, և տւք կենացն իցին երկոտասան:

Գ. Պահեսցի տպագրեալ ցուցակ հարցմանց զհանգամանաց առաքելի պատանեաց, յառաջ քան զառաքումն նոցա որում պատասխանել պարտի Վիճակաւորն, որ առաքէ զպատանին. և վաւերացուցեալ զայն ստորագրութեամբ իւրով, հասուցանել առ Գերերջ. Կաթողիկոսն, որոյ հաղորդեալ զայն Տեղական Մեծաւորին, եթէ արժան դատեսցի, հրաման տայ առաքել զպատանին:

Դ. Մուտ աշակերտաց լինի յառաջին օրէ անախ Օգոստոս ամսոյ մինչեւ ի սկիզբն Հոկտեմբերի, որ է միանգամայն և սկիզբն ուսումնական տարւոյ:

Ե. Թիւ աշակերտաց ի Վանս իցի ըստ համեմատութեան տարեկան եկամտիցն և որոշեսցէ զայն Տեղական Մեծաւորն ընդ Վանական ժողովոյն, և ծանուցէ Գերերջ. Կաթողիկոսին:

Զ. Յառաջ քան զընդունելութիւն հրամանին, մի ոք ի Վիճակաւորաց առաքեսցէ պատանիս ի Վանս:

Է. Եթէ ոք առանց յառաջընթաց հրամանի Գերերջ. Կաթողիկոսին առաքեսցէ պատանիս ի Վանս, առաքեալն դարձուցի յետս և զամենայն ծախս կրեացէ առաքողն:

Ը. Որ միանգամ որով և իցէ պատճառաւ արտաքսեալ կամ ելեալ իցէ յայլոց դպրոցոց կամ յընծայարանաց, մի բնաւ ընկալցի ի Վանս:

Թ. Թէ պէտք արտաքսելոյ աշակերտաց լինիցի, Տեղական Մեծաւորն ի գործ դիցէ զայն խորհրդակցութեամբ ընդ Վանական ժողովոյն, ի բաց աւեալ զգէպին զայնսոսիկ՝ որք ոչ տանին յապաղումն:

Իններորդ

ԿՕՐԵՒՈՐ ԳԻՏԵԼԻՔ

Ա. Եթէ յընթացս իւրաքանչիւր եօթնամեայ չրջանի դժուարութիւն ինչ ընդ առաջ ելանիցէ զմտաց յօգուածոցս, վարեսցին ըստ բացատրութեան Գերերջ. Կաթողիկոսին:

Բ. Իսկ եթէ յեօթնամեայ Ընդհանուր Ժողովի (տես Գ. Գ.) որոշեսցի ինչ, որ երեւելի փոփոխութիւն յօգուածոյ իրիք՝ որ ի կանոնադրութեանս, ի մէջ բերցէ, և կամ հարկ իրացն պահանջեսցէ նոր իմն յաւելուլ յօգուած, Գերերջանիկ Կաթողիկոսն առաջի արկանէ զայն Սրբոյ Աթոռոյն առ ի ընդունել զհաւանութիւն նորին, և մինչեւ հասցէ հաւանութիւնն անփոփոխ մնասցէ:

Տասներորդ

Ա. Կանոնադրութիւնքս առաջարկեսցին Ս. Ժողովոյն և ինդրեսցի հաստատութիւն ի Սրբոյ Աթոռոյն:

Բ. Մի մի սպառեալ պատճէն կանոնադրութեանս, զկնի հաստատութեանն ի Սրբոյ Աթոռոյն, ասցի մէն միոյ ի Միաբանից:

Հաճեալ և հաւանեալ ընդ այսոսիկ վաթսուն յօգուածս կանոնաց, բաժանեալս ի տասն պրակս բանից, որք բովանդակին ի մտաւան թղթահամարս ի վեր այսր գրեալս, Մեք ինքնին առաջարկ



Կեցաք Սրբոյ Ժողովոյն Տարածման Հաւատոյ, առանձինն թղթով
սուղիով ի 20 Սեպտեմբերի այսր ամի, առ ի ընդունել զհաստատու-
թիւն ի Սրբոյ Աթոռոյն:

Եւ ի հաւտաս այսր ամենայի եղաք ի սմա զլաւերական և
զձեռագիր Մեր:

Ի Կաթողիկոսարանի Մերում ի Բերա Կ. Պօլսոյ
ի 20 Սեպտեմբերի 1901

ՊՕՂՈՍ ՊԵՏՐՈՍ ԺԱ-
ԿԱԹՈՂԻԿՈՍ ՊԱՏՐԻԱՐԿ ԿԵՂԵԿԻՈՅ

(ՏԵՂԻ ԿՆՔՈՅ)

ԳԵՈՐԳ Ծ. Վ. ԹԵՐԶԻՊՈՇԵԱՆ
ԿԱԹՈՂԻԿՈՍԱԿԱՆ ԳԻՒԱՆԱՊԵՏ



3004